

四庫全書薈要·乾隆御覽本

集部

御定歷代賦彙卷一百八

覽古

八陣臺賦

有序

宋

劉望之

余與客登夔子城望八陣圖感忠武侯之行事恨世議者之弗獲於斯也作賦以悲之其辭曰

靄孤臺之巋然臨千步之沙場石離離其斑斑紛棲鴈之未翔山暝黑而更惡水雖波而不揚澹徙倚其不去

含鬱紆之內傷是何以使之然哉客或告之在漢之亡
有人超然卧鄧南陽甚似阿衡樂未渠央感大耳之至
意姑黽俛而徂征又似子房初未有意隆準之老也及
其既作亦不能已手胼足胝夙夜赤子忽一龍與一蛇
蓋亦未可以優劣計大兵初來雷電下空璋孱小兒孰
嬰我鋒駐師江郊坐向必東蒐我卒乘取彼凶殘中原
有狐憑陵宮牆我不往取高帝在天衆謂卹金之不可
相而况夫子之賢也運去道窮嘔血繼之非公實愚愚

者不知自古聖賢亦行其義道之不濟已知之矣相夫子之所立固已無窮而不貲彼丕操父子烏雀犬豕之竊食雖甚饜而不害其驚疑惑世俗之隘陋徒顧瞻而涕洟請舉酒以酌公混一笑於江麋

叢臺賦

金趙象文

歲辛亥之孟冬兮余解印而南歸覽全趙之形勝兮弔荒臺之故基太行車走以南來兮漳水改道而東馳伊川谷之變易兮矧人事之推移獨歸然其凌空兮意神

物之所護持問父老以陳跡兮猶有雙塔野花之詩也
噫七龍擾擾虎戰以龍爭兮譬事勢於連雞或爭秦於
延敵兮有以酒薄而召圍朝膏血於秦漢之草野兮夕
暴骨於齊魏之沙陲翫生靈於刀几兮決一旦之雄雌
得地不足以贖民之命兮忍勞民而築斯方主父變服
而事威武兮固一世之雄才收中山林胡為未厭兮又
窺秦室之狼豺歸來置酒延眺八極兮俯不見蕭牆之
孛災噫翟犬之夢兆兮識百年之厲階何茗華之新寵

兮晏酖毒之孔懷厭離宮別館之湫隘兮起高臺之崔
嵬笑章華制度之狹陋兮又況采椽與茅階輦路紫紆
以雲疎閣道行空而飲霓奏金石於雲端兮悅鈞天之
夢未迴下仰望而不聞兮微風過而聲哀金輿玉輦君
王來其間兮左趙女而吳娃朝琴夜筑為王歌舞兮樂
未極而哀隨採雀鷺於離宮兮豈憶熊膳與豹胎痛父
子斃於一朝兮人亦念骨肉之瘡痍也古往今來日東
月西驚歲華之跳丸悼興亡之奕棋歎趙國之城郭兮

變都成邑而變骨成灰慨平原之池館兮高者榛丘下
者荒陂孤兔穴於丘陵兮草木深於宮闈地荒蕪而獸
伏兮天莽蒼而鳥馳沈顧寂聽心傷思摧但聞蕭條之
聲非竹非絲迫而聽之乃在乎羽蟲之摩軌與衆竅之
翁吹也嗚呼臺向時之臺也山川花鳥亦向時之山川
花鳥也山川花鳥不能知此臺之興廢而臺亦安能知
人之悲歡而人自悲之然則靚妝炫服臺非以為榮也
而荒榛斷址臺又奚以辱為然則文王之靈臺燕昭之

黃金當時稱賢者之樂後世為美談之資而是臺也蒙
亡國之恥興山木之歌亦臺之不幸而強嗤且夫今日
之悲昔日之樂也騷人懷之而賦咏行客過之而歔歔
嗟舊物之都盡獨天留今此臺閱千秋兮萬古作龜鑑
乎方來意者使一日之樂易萬世之譏也而臺亦何負
於後世哉可弔而不咤也亂曰洪波之臺傷周舍於旣
死兮後世之君不能起廉頗於未衰干將之劍忍能誅
忠魂於李牧兮不能斷讒舌於郭開係梁棟兮旣折噫

大厦兮將頽非一臺足悲國無人兮吁可悲

靈臺賦

元 尹貫道

憩岐周之故墟步靈臺之遺址鬱老樹兮千尋淡寒煙
其十里王澤霽霽乎莫窮皇風蕩蕩兮未已覽天宇之
宏大撫千年兮茲土噫嘻盛哉靈臺之制作乎蓋雖後
世猶可追像而興起也想夫天啟其蒙地廓其夷高山
是甸京邑是基屹崇墉之翼翼列朝市之尊卑開皇猷
展洪規肇丕謨示無私侈一代之制作妙大智之設施

爰命太史推測司土度量靈龜食墨以協卜坤軸效異
而呈祥厥土燥剛厥位面陽占龍見而致用建昏中以
銷張因高原隰積土為岡薦巧思兮班任運神造兮夔
裹繚版幹之平平勤畚築之鏜鏜程土物之有等議遠
邇兮有常協羣黎之子來會衆志之是將咸鳩工而傷
事畢輸力而茫茫登嶮峨兮中天奔岌業兮排陽混鴻
濛兮六合隘宇宙兮八荒匪計而設匪謀而良誇成功
於不日若靈異之無方爾其司程獻成繪圖奏功典瑞

呈測候之規太常詔啟行之容玉軼策驅馳之範八鸞
展和鳴之唳馳道生春輦路薰風千官擁仙仗之肅萬
姓慶呼嵩之同乃登靈臺乃望氛祲於時虞淵浴日五
嶽捧雲瑞靄穆郁元氣氤氳驗景物之休徵齊節候以
和平錦霞貫斗則四夷款塞青氣徹漢則萬寶告成將至
治之有象恢生意於無垠天顏悅豫羣從和欣載顧
載瞻迺詠迺賡瞽矇奏清廟之瑟樂工呈韶護之音匪
暇豫之是徇聊舒眺於吾情若其白鳥翻霜林之翼赤

鯉戲碧藻之鱗劇鹿濯濯兮臥莎草之翠祥鳳噦噦兮
憩梧桐之鳴觀物性之自然咸游泳乎深仁如日之煦
如春之溫如天地之造如雨露之恩妙潛享而默感爰
及乎喟息而跂行然後知聖明之德積仁兮故靈積靈
兮益神囿之而莫覩其際詠之而莫可以言形也悠悠
往事得失如旅彼瓊宮瑤臺固已鞠為園蔬莽為蒿穢
雖鞞髻捷老亦莫知其所矣緬靈臺之舊蹟思往聖之
遺緒益信姬周之至德宜垂令譽於千古

靈臺賦

元 劉耕孫

攬余轡兮西往邁余邁兮歧周稅余馬兮靈臺騁余目
兮遐之遐繫神聖之制作兮固靈妙而叵測念卑服於
康田兮亶不遑乎寢食豈一臺之經始兮顧弗恤於民
力歌遺音於周雅兮良有感乎文之德美化行兮歧之
西汝之墳兮漢之涯歌麟趾兮詠騶虞龜在藪兮鳳鳴
岐馳遐思於八表察氛祲於二儀匪工築兮是耽匪盤
游兮是嬉爰始兮爰謀爰契兮我龜經始兮勿亟庶民

兮予來振百堵兮皆作殷萬杵兮春雷突九仞於倏忽
崢六合而崔嵬鹿濯濯兮靈囿魚躍躍兮在沼妙川泳
而雲飛感天機於浩渺均此樂於芻蕘亦印卹其大小
於論兮鼓鐘於樂兮辟靡駕言兮戾止寢威兮盛容八
鸞兮和鳴千官兮景從時游觀兮節勞佚溥聖化兮宣
皇風偉三雍之並建等世室而增隆眷余生乎百世兮
竊獨慕乎中古嘉聖謨於丕顯兮履周道而踵武陋東
都之制作兮僅名存而實非望斯臺而增慨兮微文王

吾誰與歸

歌風臺賦

元劉說

辭有發於慷慨兮讀之千載而猶壯迹有淪於湮微兮
覽之千載而猶悲况荒煙野草僅足以泯英雄之迹而
未足以泯其志朔風枯木不足以繼激烈之志而猶足
以想其奇予嘗溯呂梁望黃樓躋舟乎泗水之汭弔古
乎義帝之域想拔山者為百夫之雄而挾義者有蓋世
之勳方喟然而未已客有諭予曰徐北為留又北為豐

又東北為沛歌風有臺矣劉之興於是乎在盍亦少游
目乎予乃涉百步之洪赴六合之役至則登臨故墟俯
仰陳迹訪父老而訊之曰茲非會稽還師慷慨傷懷者
耶酒酣擊筑令兒習和者耶茲非游子故鄉鬼魄猶思
者耶是臺也肇迹何年壘土誰手宜佐酒故人創之以
為湯沐之榮耶抑後世喜事者築之以寓懷古之情耶
戴白堵立對語率誣登高舒嘯莽蒼煙蕪嗟夫三代之
下得天下以正者孰有若高帝者乎而今安在哉方具

提三尺奮一呼風雲為之改態虎兕為之前驅迨夫歌
於斯也功臣顛沛越醢信殖豨方逸而未戢布已破而
猶逋思猛士兮晨星瞻四方兮蒿目人知其情盡乎道
舊之歡而不知其悲過乎失聲之哭雖然桑枯海塵兮
其辭猶若新也山推石裂兮其志猶可識也啟四百年
之緒業兮皆寬仁大度之基也脫斯民於塗炭兮又豈
知榮一鄉誇一時也威加海內兮安不可以忘危也以
四方之為憂兮又豈兒女之所悲也彼沐猴之畫繡兮

曾何足以與於斯也

露臺遺基賦

有序

元

孫樵

武皇郊天明年作望仙臺於城之南農事方殷而興土
功且有康於縣官也樵東過驪山得露臺遺基遂作賦
以諷之

驪橫秦原東走盤連有土如積其高逾尺隱於修岡此
若環堂徘徊山下問於牧者對曰唯昔漢文為天下君
守以恭默民無怨愆天下大同帝駕而東經營相視茲

山之址乃因其崇以興土功茲臺始基軫於帝思旣命
其吏校之經費下詔曰朕以涼德君於萬國唯日兢兢
如蹈春水高祖惠宗肇我邦圻作此宮室庶幾無逸逮
夫朕躬孰敢加隆矧糜府財以經此臺周為靈臺成乎
子來文王以升以考休徵茲臺以平周德唯馨章華雖
高楚民亦勞靈王宣驕諸侯不朝民旣攜貳王遂以死
宣朕不懲斯役實興鳩材嘯工以害三農斯豈文王靈
臺之不日哉宜詔有司亟令罷之此其基者乎卒歌而

去之且曰彼通天兮鞅埃壙之巍巍此靈臺兮蔽秋草
之離離已而已而世無此兮吾孰知其是非

陽春臺賦有序

明興獻帝

宋大儒朱晦菴先生疏毛詩葛覃曰賦者敷陳其事而
直言之也夫事寓乎情情溢於言事之直而情之婉雖
不求其賦之工而自工矣屈宋離騷歷千百年無有譏
之者直以事與情之兼至耳下逮相如子雲之倫賦上
林甘泉等篇非不宏且麗然多斲於詞躋於事而不足

於情焉雖然亦豈易及哉予荷皇上恩封安陸距國之
西數十步許而有山兀然迺舊陽春臺址嘗肅官僚登
之見其山川獻秀雲物紆清誠可樂也而或樂縱心侈
息乎奠治以圖報哉因賦其事以自儆而情之婉否雖
予亦不之知焉賦曰

赫皇祖之貽謀兮樹磐石之長策累大造之德基兮蕃
螽斯之蟄蟄咸明顯以康乂兮流世王之相襲匪軌度
之式遵兮曷山川之國邑予仰祖考之不烈兮膺金冊

其煒煌受赤社之介封兮宅楚壤以恢疆聿司空之告
成兮秉玉節而辭天王浮大江以戾止兮撫形勢而鎮
定乎一方繫賢哲之多遺址兮偉陽春臺之佳麗嗟郢
客之歌陽春兮曲窈渺其誰繼雖伊人之不作兮豈無
來者之風致覩斯臺之凌跨宇內兮萃羣秀其無際近
日月之耿光兮延照臨以開霽煥雲霞之精采兮煜錦
綺之相綴獻峰巒於天外兮翠盤疊如羣髻朝漢水於
沃閭兮湊萬里而迨遞卉木林林而蔚蔚兮排筓當與

松桂馴鳥獸以翔鳴兮曷禁之人之媒駢慨崇臺物色

之舒變兮振古初以迄今紛智愚之異趨兮杳不知其

何心或遭讒賊而弗已兮欲回君意而自沉或賦神女

而匪誕兮款規君於荒淫或奔吳報楚而慘及黃壚兮

寧忠貞之不幸或倚秦牆而乞師兮竟免宗國於顛蹶

或強諫懼兵兮柔從君而自刎或指方城而盟綏德兮

挫齊威之於伐要之霸不足以恃兮純王道斯無關混

王霸之莫辨兮間誠偽之不容髮併是非以煙銷兮惟

茲臺之存控古今之奇勝兮何人事之足云惟國之有
臺兮觀察災祲而茲臺之遺兮恐盤遊而莫之禁噫非
朝廷之所封兮予亦何得而有之凜皇訓之可畏兮寅
夙夜以守之侈姑蘇之彈力兮荒麋鹿之可悲美章華
之集怨兮攘衆心之悉離止九層之危兮嘉晉靈之納
諫貯銅雀之歌舞兮惜曹瞞之傾患竊獨以自鑒兮懷
惴惴其匪康慎刑德之協中兮敢違汨乎天常泯怨誹
之不作兮惠人心之矯攘屏宵人而弗邇兮親方正之

與賢良懲臺榭之蕩心兮息廣廈而講虞唐奏南風之
絃兮賡陽春以超軼歌湛露之章兮感曠澤以怡悅思
對揚之莫既兮罄予心之惓惓勉保障之無怠兮庶幾
慰九重之恩憐羣皇圖於不拔兮屹如山石之不震焉
流天潢之滾滾兮光玉牒之縣縣匹皇休於億千萬載
兮豈直一臺之可傳誅曰皇恩靈靈壽享封國兮臺觀奇
麗樂無極兮盤遊弗制基禍憑兮居今鑒古勉輔翊兮
恪度殫心酬聖德兮

輪臺賦

明王衡

出玉門兮千里覽輪臺之故墟望燉煌而漸遠逝張掖
以猶紆聯昆漠之外藩繫車師之攸居殷斥鹵以難籍
羌秉耒其馬如若夫青陽改候協氣盈疇顧塞口之猶
寒凜朔風而颼颼舉趾則畚鍤不入播種則黍稌不收
宜幅員之不足借畝畝於邊陲又如霜夕寒砧關山夜
月雖邊馬兮思歸寧居民兮能歇披襟袂而虞戈鋌之
侵儲蓋藏而慮輓輸之竭務廣地兮何以棄丁男兮何

辜置亭隧兮何勞利錙銖兮何愚乃有炎漢計臣征和
策士已快意於捷伐遂動心於耘耔謂夫神武所加幕
王庭而若驅豈其聲教所臨不桑田而孔美於是擬滄
海朔方之置比狼居燕然之封期逢迎於一中願常試
乎三農夫以不毛之區冀有秋之獲是其為計也以貪
而成拙以比閭之夫處戒嚴之地是其為計也以吉而
就凶幸天心之厭亂賴主計之從容曰予借侈以高視
兮惟封疆之故也苟曰封恬其無恙兮何必名茲禍也

於是黯然動色穆然遐思傷心於桂海冰天之日絕意
於征車賦馬之為寧閉關而東西南北自在毋動遠而
要荒綏甸皆離蓋罪己之言即稽之禹湯而不啻其實
知非之念即較之伯玉而不以為遲夫一輪臺也昔何
以開今何以棄顧未獲之他衆圖之惟艱而已成之我
疆置之若遺豈衛霍之勇畧少哀抑昆明之雄心頓異
是知欲無封而不蔽蔽無極而不明彼秦鹿之竟失繫
晚節以俱醒將漢祚之四百非一悔之所營愚謂輪臺

一詔暖若鄒律渙若南薰邊氓扶續以如豫父老須臾
而願聞是有終之盛節而垂世之至文也因賦其事而
繫之辭曰縣縣西塞漢代張兮始開終置卜興亡兮佳
兵不祥戢之滅兮生財有道無太康兮寧將介鱗易衣
裳兮西域都護廣地荒兮日昃躊躇悔無央兮自是漢
祚厥靈長兮收之桑榆永為芳兮

粵王臺賦

明
黎民表

白露既零玄霜始積草木凋傷山川闕寂感京臺之忘

歸登城隍而中惕慨然增思拊膺太息興國亡王累轍

重迹豈徒咎陶之不祀爽鳩之弗宅而已哉則有強秦

定霸勁越守偏五軍摧而弗利睢祿却而生指囂死南

海佗據龍川占王氣於東井規閭位於瀛壖於是思華

風陋雉結哀秦餘役徒隸乘黃屋以稱雄改金墉而創

制日不重明世無兩帝思首丘於故墟控雄心於遊說

循南面之儀講郊宮之禮恢夕室以重模擬郎臺而增

壘堙寶夷山審曲面勢輦道雲連重軒霞起頽壤密石

之工并榦榮楯之麗鉛墀鉤闕之華藻旒雕樂之侈固

已窮殫海陸而炳煥萬里且其躋攀縹緲曠望芊緜橫

捫象郡却頽龍編控以虎頭之阻隍以鮫人之淵送金

樞於窮髮散若木於虞泉淒風而纖埃不起赫暑則紈

筵常指信可以紆煩理滯而樂死忘年徒想其初春始

秋宮車以出佩玉璽於丹符載琯輿及寶瑟靡旃如虹

樹羽若日彈飛縵生掩羣射疾組練滌乎天庭金石殷

乎地室歎塞洽鯤海之封舉醕露狼槃之秩靈曜既西

歡燕乃畢目曠心愉志驕氣溢謂劉項可與並驅曾蕭
曹何足為匹雖虜伏於羈縻終兇決於受繫呂雉啣則
閉關反距代龍興則奉書要質道之污隆惟其順逆施
方三主溘焉遂衰嬰齊入侍嫪女來歸乾侯萌於鸛鶴
驪戎興於龍萊終軍受冠纓而畫策楊僕汎樓船而出
師三關席捲駟介交馳石門為橈槍之壘貪泉為鴈鷺
之池煙焰焚其城郭棟柱鬱其傾欹茫茫吟域戎馬生
之雖有白壁紫貝之珍翠羽明珠之賄雕題黑齒之酋

駱越蒼梧之侶曾何益於摧敗哉嗟乎乘時者先奮守
險者莫當龍洲非表裏之地鵠溟豈百二之鄉卜洛者
處其中入關者溢其吭彼其安於江介夫安取乎久長
然而竊國者百祀稱制者五王豈不以藩籬足以自衛
琛賫可以爭強使呂嘉悔禍而內屬南武裂地而分疆
安知不與卯金乎競爽而自底於滅亡雖天運之匪忱
亦人謀之不臧諒覆車之當戒奚高臺而怵傷哉迺振
策而去曳屣歌商以舒鬱結之腸歌曰春風起兮春草

生春草歇兮秋露零英雄去兮山川在羅統盡兮臺沼
平天時有代謝人理易虧盈林光迄已毀栢梁行又傾
彼蠻觸之戰鬪兮安能使余思之怳怳

阿房宮賦

唐杜牧

六王畢四海一蜀山兀阿房出覆壓三百餘里隔離天
日驪山北構而西折直走咸陽二川溶溶流入宮牆五
步一樓十步一閣廊腰縵迴簷牙高啄各抱地勢鉤心
關角盤盤馬圍圍馬蜂房水渦蟲不知其幾千萬落長

橋卧波未雲何龍複道行空不霽何虹高低冥迷不知
西東歌臺暖響春光融融舞殿冷袖風雨淒淒一日之
內一宮之間而氣候不齊妃嬪媵媵王子皇孫辭樓下
殿輦來於秦朝歌夜絃為秦宮人明星熒熒開妝鏡也
綠雲擾擾梳曉鬟也渭流漲膩素脂水也煙斜霧橫楚
椒蘭也雷霆乍驚宮車過也輾輾遠聽杳不知其所之
也一肌一容盡態極妍縵立遠視而望幸焉有不得見
者三十六年燕趙之收藏韓魏之經營齊楚之精英幾

世幾年剽掠其人倚疊如山一旦有不能輸來其間鼎
鑄玉石金塊珠礫棄擲灑迤秦人視之亦不甚惜嗟乎
一人之心千萬人之心也秦愛紛奢人亦念其家奈何
取之盡錙銖用之如泥沙使負棟之柱多於南畝之農
夫架梁之椽多於機上之工女釘頭磷磷多於在庾之
粟粒瓦縫參差多於周身之帛縷直欄橫檻多於九土
之城郭管絃嘔啞多於市人之言語使天下之人不敢
言而敢怒獨夫之心日益驕固戍卒叫函谷舉楚人一

炬可憐焦土嗚呼滅六國者六國也非秦也族秦者秦也非天下也嗟乎使六國各愛其人則足以拒秦使秦復受六國之人則遞三世可至萬世而為君誰得而族滅也秦人不暇自哀而後人哀之後人哀之而不鑒之亦使後人而復哀後人也

館娃宮賦

唐黃滔

吳王歿地兮吳國蕪城故宮莫問兮故事難名門外已飛其玉弩座中纔委其金觥舞榭歌臺朝為宮而暮為

沼英風霸業古人失而今人驚想夫桂殿中橫蘭房內
創丹楹刻栢之殊制鈿砌文軒之詭狀如從渤海徙蓬
闕於人間若自瑤池落蕊宮於地上繡柱雲楹飛蛟伏
螭基扃鬱律鈎楯參差碧樹之珍禽夏語綠牕之瑞景
冬曦吳王乃波伍相輦西施珠翠簇來居玉堂而瀕洞
笙簧擁出登綺席以逶迤觸物窮奢含情愈惑欲移楚
峽於雲際擬鑿殷池於檻側花顏縹緲欺樹裏之春光
銀焰熒煌卻城頭之曙色殊不知敵國來攻攢戈耀空

虎怒而擊平雉堞雷訇而擊碎簾櫳甲馬萬蹄卷飛塵
而滅沒瓊樓百尺爆紅燼之冥濛悉由脩袖舞歿朱脣
唱隙瑤階而便作泉壤玉礎而旋成蘚石恨留山鳥啼
百卉之春紅愁寄隴雲鏤四天之暮碧悲夫往日層構
茲辰古塲香逕而同歸寂寂稽山而杳自高高遺堵塵
空幾踐羣遊之鹿滄洲月在寧銷怒觸之濤已而西日
忽忽東波浩浩松楸而駢作荒隨車馬而輾通長道彼
雕牆峻宇之君宜鑒立墟於茂草

館娃宮賦

宋王阮

汎浮玉之北堂得館娃之遺基從先生而遊焉揖夫差而弔之或曰是可唾也奚以弔為哉夫沈湎以喪國固君人之失道然而有鐘鼓者胡可以弗考聞管籥者民喜而相告苟厥妃之當愛惟恐王之不好矣是則女樂亦可少乎必曰夏有妹喜商有妲己周有褒姒而吳以西子苟求其故未必專於此也齊有六嬖威公以興正而不譎聖人稱焉非夫九合一正之業得仲父以當其

任則其一己之內少有以自適者舉不足以害成邪關
大夫進夏德豈昏微子得政商豈穢聞蘓公家父並用
則烽火豈得妄舉子胥不見戮則吳之離宮別館至於
今可存抑夫差之資異在列國亦翹楚一戰而越人沮
再會而諸侯懼使僅得一中佐置雙翼於猛虎惟自剖
其骨鯁而故意於一女敵乘其間無以外禦杯酒之失
何足問獨為此邦惜殺士之舉也此士不遭殺夫差不
可愚苧羅之妹適足為我娛胡得而竊吾之符榮楯可

居適足華吾廬胡足以驟吾之都惟忠良之既誅始猖
狂而自如臺兮姑蘇舟兮太湖食兮鱸鱸曲兮棲烏宿
兮嬪媵脩明兮夷光二八兮分明捧心兮專房徑兮採
香陳兮響廊笑倚兮玉牀余樂兮東方稻蟹種兮不遺
爭盟兮黃池無人兮箴規有仇兮相窺至德之廟遂為
木黍悉陂池與臺榭條一變而梵宇入笙歌於海雲令
聲鐘而拊鼓儼麋鹿之容與瞰僧儀而觀觀駭越壘以
在望奚五戎之閱武松引韻以嗚咽柳顰眉而凝佇山

黯黯兮失色水洶洶兮暴怒追此謬於千里本差之於
毫釐譬之養生捐其良醫逮疾作於中夜惜藥石之不
知志士仁人所為太息於斯焉蓋常反覆於此竊謂種
蠱亦可哂也勾踐方明舉國以聽十年生聚十年教訓
以此衆戰何伐不定何至假負薪之女為是可恥之勝
哉始其土城誨淫自君終焉五湖合歡其臣青溪之典
不正金谷之義不立悠悠扁舟遂其全璧使之脫鼎中
之魚而羣沙頭之鷺返耶溪之蓮而吐洞庭之橘竊謂

越之君臣何其陋於此役也越則陋矣吳亦太庸士目
既決夫誰納忠可喜人之亡已其自反而責躬乎語既
雍然相與歛容起視四山之中覺蕭蕭兮悲風

館娃宮賦

有序

宋 范成大

靈巖山寺故館娃宮也余少長遊焉感遺事而賦之
洵西山之南奔兮勢鬱嶺其巉空若大敵之在前兮忽
踞虎而踰龍半紫崖而砥平訪館娃之故宮是謂逸王
之舊遊有墟國之遺恫焉嗟乎汰哉愎賢昏之忠告巽

陰詔之說說暗養虎之後患縱處女使免脫迨嘗膽之

謀成駭疽囊之潰裂蓋自有以賈禍非天為之孽方其

銜哀茹痛投淚飲血儼拂士於前庭尅三年而報越訖

甘心而一快夫何初志之英發及其見棲於姑蘇遽雌

伏而大壞援宿恩而乞憐或赦圖於臣罪當是之時又

何其憊也避禍福之無門曷今愚而昨賢後千載之嗤

點莫不鍾咎於婢媚固尤物之移人抑猶有可得而言

蓋嘗觀於若人矣好大而欲速厭常而棄舊徂會稽之

得意謂周鼎其唾手闔齊楚以及頤睨陳蔡而驤首道
甚遠而疾驅氣已餒而猶闔外未寧而內憂東略之而
西否阻關河以頓兵撤牆屋而致寇亟歸視其四封蔑
一夫之能守是猶螳螂之慕蟬不知黃雀之議其後也
然以葦爾之旅徬行四方攻靡堅郭戰無距行事便時
利如經乎無人之鄉惜也未聞大道宜其逸樂而志荒
次有臺池宿有嬪媵左攜修明右撫夷光粲二人以前
列咸絕世而浩倡嗟浣紗之彼妹乃獨繫於興亡蕩龍

舟之水嬉擷香徑之春芳載夕陽以俱還乘遊燭於夜
長盪金鍾之千石傲酒池於舊商歌吳歆而楚舞薦萬
壽於君王張星河之易翻嘉來日之未央鐔銅壺之鳴
悲爛急烽之森芒慘梧宮之生愁踐桐夢之不祥歛高
陵與深谷委盛麗於蒼茫所謂玉檻銅溝朱簾椒房理
鏡之軒響屨之廊香煙蕪與露蔓紛日暮之牛羊况捧
心之百媚濯粉之餘妝者哉今則雲雨之巔仙聖是宅
硯沼尊浮琴臺松壑封古蘚於并瓷宿暗芳於洞穴木

鯨乳以清厲金磬隱其蕭瑟彼方外之徒龜藏而獲屈
者又安知往古與來今方枯禪而縛律翮鴻影之拂坐
見前山之銜日

咸陽宮賦

宋陳襄

周失王緒秦受天數始皇崛起狼心奮怒六國并吞黑
旗森布分諸侯而立郡縣銷五兵而造鐘鐻混車書一
法度陸訥水慄之所來嚮航琛輦賫之所屯聚於是遷
豪徙富離邦易土擇彼隆隆然制是宮也蓋莫得而殫

言始其擇吉日申舊章坦隆基於四隅鬱華構於中央
分左宗右社之規履正面朝後市之紀綱順陰陽之開
闔做太紫之圓方由是入九貢之資詒六工之良度材
用之經費旅珍產之非常離婁督繩以分其曲直公輸
削墨以形於短長運雄風於芥斤架文虹於棟梁藻井
燦兮羣葩競芳觚稜聳兮金爵交翔羅玉階兮彤庭儼
峻宇兮雕牆朱紫炳煥下以被其土金壁崢嶸上以飾
其瑞其高也侔列宿於紫宮其大也出冠山之朱堂顯

顛昂昂複道還相上截乎渭川直走於阿房是何蠖
相經連縣不止映朱闕之雙立壓金城之百雉被卿
以上覆馥天香而特起巍巍乎若高浪之奔架蓬萊而
直上盤盤乎若巨鼇之出戴靈山而遐峙則有千廬傳
呼洞門方軌披廣路之三條列金人之十二上下端直
左右環衛執玉帛者來朝綰銀黃者近侍如雲臺之上
縹組而摩肩臨淄之間成帷而舉袂聞之者倏爾而歎
望之者儼然而畏其間複威盛容殊形詭制鐘鼓喑喑

有二四之列表裳楚楚有三千之麗珠玉金翠銜其珍
組織文章逞其貴而又植苑圃開沼沚草木蕃庶蔽朱
實之離離魚鳥遨翔漾清流之疊疊朝夕之所娛樂而
不知其晦明寒暑之所隔闕而不知其啟閉既而窮侈
德盡澆風目倦五色耳亡四聰將欲慕神仙之峩峩脫
天下之洶洶謂上游之迹可以拍肩於洪崖謂積學之
致可以問道於崆峒由是擬丹臺之壯麗造秘宇之穹
崇飛甍舛互連閣交通冥冥乎二百餘里杳不知其所

終然後巡於隴西封於岱宗紀德瑯琊之臺列爵大夫
之松伐湘山於既仆破胡城於已攻故乃儼彩伏坐瓊
宮建靈旗之五丈排法駕於六龍文武肅儀而在下嬪
媵肆樂乎其中韻乎鈞天之樂翼乎妙舞之容左穀右
戴兮百品椒漿桂酒兮千鍾喜氣交感歡聲一同而皆
登山呼而浹洽祝天壽以旣鴻自以為子孫帝王之業
垂萬世而無窮泊乎時運更迭基局一空弋林鈞渚榛
蕪外玉殿珍臺煨燼中項羽西歸二三世之秦風已蕩

高皇東起四百年之漢德彌隆士有聞而歎曰夫聖皇
之有天下也握乾符御璇極納百姓於醇粹樂羣生於
休息故宮室之作無傷民之利興作之所不勞民之力
軒轅合宮而昭儉唐堯采椽而示質總章合制重華乃
建於宏基卑室興居夏禹遂隆於聖德若乃商受喪乎
瑤臺夏桀殞於瓊室夫差一去遊姑蘓之鹿麋晉武既
亡生銅駝之荆棘斯皆聖人以節用而興邦愚者以宣
驕而亡國且強秦虎視蒸民宸居華域如建瓴之地無

以極其險隘若秋荼之網無以加其苛刻收大半之賦
斂焚詩書之典則而復開宮禁之宏址毆生民於重役
農者失其耕耨女工廢其組織上天為之震怒四方為
之沮色又安得延茂其邦家而興隆乎社稷嗟乎源之
澄兮流必清木非固兮枝必傾始皇去兮沙丘既平子
嬰滅兮咸陽已并歸赫赫之漢祚兮為帝畿之三成又
何必指東門之界兮柱立石於滄溟者也

宣防宮賦有序

宋劉跋

余以事抵白馬客道漢瓠子事感其語故賦曰

元封天子既乾封臨決河沉壁及馬慷慨悲歌河塞築
宣防之宮燕其羣臣乃稱曰隕林竹兮挺石菑宣防塞
兮萬福來顧盼意得詔問東方大夫樂乎朔進而跽曰
君王佩乾符安坤靈封岱岳禪云亭雷行焱馳一蹕四
海力餘氣盈爰覽德水至於人靡遺智天不愛祉石城
金墉屹立亭峙則又經廣輪度棟宇裴回領略心解目
覩八隅九維千門萬戶沉嚴神麗秦帝之府於是植翠

華喧靈翬觴川流浩長歌神哉沛君心和忠去喜至無
所復加可謂樂矣然臣觀之未可謂無憂也天子愕眙
不怡少焉顧曰亦有說乎朔再拜曰主臣蓋聞之大川
之源發乎崑崙之神墟出陽紆與陵門道積石而沉游
包渾淪與俱遊羌壘壘其徂征千里一曲萬里九折盤
礴瀆混呼洽沕滴蕩然長波激為迅湍莽不知其幾何
遂異派而同瀾已而略廣武循大伾轉沛轅洛積為委
輸瀟沸出乎地上悅莫際其焉如粵若神禹繼道作德

範圍天儀聯絡地脈疏排沃漫錫鑿客窄平野其藝人

有安宅化鱗介為冠冕蓋千有八百國臣曾問遺黎導

海隅繇平成之徒駭下東光之胡蘇淵然覆黼脩若馬

頰如馬及盤以簡以潔太史分流參匯衆折然後安翔

徐回脈脈並醜紆餘衍漾繇眇透遲蚪潛蛟伏波不得

興視榮光與休氣茂玉檢而金神煥乎三日而五色何

必千歲而一清若夫羣雄逐兮位隔并山川圍兮氣弗

宣託洶湧以為貨兮阻屢屣以自藩崇墉連蜷轟以相

售兮巨浸漫漶汨乎宛延立遮害之亭謹白馬之津雉

堞瞰其東區脫臨其西又東北留其行又西北繫其歸

垂天之翼橫海之鱗虺隋膠葛曾不得捨榆枋而泛蹄

泠荀荀勃鬱靡所容怒霆擊電掣手歛已脫兔益以桃華

之流駛乎竹箭之馭瀰漫鴻洞千里四顧乃始伐薪石

程畚鍤汰雞距之防橫鏟牙之木上下連環旁側伏闕

竹落千縲挾艘而下岌乎喘牛蹶若隄馬糗糧齊山徒

庸成林商羊鼓舞澤門謳吟折骸樵蕪慘於長平之禍

累瑰珠玉埒乎水衡之藏諒人謀之或違將度數之適
逢今夫呼吸潮汐關竅丘源洲潭浮空擁沮旁穿井乍
甘而撤舍麥未槁而培根何靈龜之下伏寓三峯乎層
巔表秦紫之嶢峽陋靈光之歸然長封為扃土鍵石鏞
守如峭函葉萬不拔然而燕雀賀而人弔枝葉茂而本
撥財之力屈河且再塞君王方且駐屬車以流觀啟離
宮而落成却兩載之乘勞負薪之臣舉烽賦酒飛輪奉
牲戢長慮於一笑起駕望而憑陵神閒意定澹然無營

語未既天子數顧尚席推几欲興臣朔遂巡却立不謝
而退其後館陶之役竟如東方大夫言

御定歷代賦彙卷一百八

謹案卷一百七第二十八頁後六行余先君宮師
之友按此序係東坡所作





總校官庶吉士臣張能照
校對官庶吉士臣章宗瀛
謄錄監生臣吳靖

欽定四庫全書薈要

集部

御定歷代賦彙卷二百九

十九



御定歷代賦彙卷一百九

覽古

登樓賦

魏王粲

登樓賦
顯敞而寡仇，挾清漳之通浦。今聊假日以銷憂，覽斯宇之所處。今實

野黍稷盈疇，雖信美而非吾土。今曾何足以少留，遭紛

濁而遷逝兮漫躡紀以迄今情眷眷而懷歸兮孰愛思
之可任憑軒檻以遙望兮向北風而開襟平原遠而極
目兮蔽荆山之高岑路逶迤而修迴兮川既漾而濟深
悲舊鄉之壅隔兮涕橫墜而弗禁昔尼父之在陳兮有
歸歟之歎音鍾儀幽而楚奏兮莊烏顯而越吟人情同
於懷土兮豈窮達而異心惟日月之逾邁兮俟河清其
未極冀王道之一平兮假高衢而騁力懼匏瓜之徒懸
兮畏井渫之莫食步棲遲以徙倚兮白日忽其將匿風

蕭瑟而並興兮天慘慘而無色獸狂顧以求羣兮鳥相
鳴而舉翼原野闐其無人兮征夫行而未息心悽愴以
感發兮意忉怛而惜惻循階除而下降兮氣交憤於宵
臆夜參半而不寐兮悵盤桓以反側

登樓賦

晉棗據

懷離客之遠思情慘惻而惆悵登茲樓以逍遙聊因高
以遐望感斯州之厥域實帝王之舊疆挹滹沱之濁河
懷通川之清漳原隰開闢蕩榛夷藪桑麻被野黍稷盈

取禮義既度民繁財阜懷桑梓之舊愛信古今之同情
鍾儀慘而南音莊烏感而越聲豈吾人之狹隘能去心
而無營情戚戚於下國意乾乾於上京

登樓賦

晉孫楚

有都城之百雉加層樓之五尋徙明王以登極聊暇日
以娛心涇渭汨以阻邁卉木鬱而成林晞朝露之素暉
羨綠竹之茂陰望秦墳於驪山覩八陵於北岑營蒼基
峙列宅萬區黎民布野商旅充衢杞柳網繆芙蓉吐芳

俯依青川仰翳朱楊體象濛濛
沉幽若扶桑白日為之晝
昏鳥禽為之頡頏

登百尺樓賦

晉郭璞

在青陽之季月登百尺以高觀
嘉斯遊之可娛乃老氏之所嘆
撫凌楹以遙想乃目極而肆運
情眇然以思遠
悵自失而潛愠瞻禹臺之隆
崖奇巫咸之孤峙美鹽池
之混汙蒸紫霧而霞起異傳巖
之幽人神介山之伯子
揖首陽之二老招鬼谷之隱士
嗟王室之蠢蠢方構怨

而極武哀神器之遺浪指綴旒以譬言主雄戟列於廊板
戎馬鳴乎講柱寤苕華而增怪歎飛駟之過戶陟茲樓
以曠眺情慨爾而懷古

迷樓賦有序

宋李綱

煬帝作迷樓於江都鐘鼓嬪嬙不移而具迄今舊址存
焉因讀杜牧之阿房宮賦感其事作賦以弔之辭曰

隋室方隆削平萬國侈心一開弗安厥宅鑿為汴渠導
河之流曲折千里放於淮馭鳳蓋霓旌錦帆龍舟決意

東幸江都是游窮奢肆欲乃建迷樓維樓之制衆巧所
聚凌煙摘星飛雲宿霧玉柱金楹千門萬戶複道連縣
洞房迴互翠華戾止杳不知其何所於是選夫燕趙之
女吳越之姬明眸皓齒豐頰香着娥嫋曼睩窈窕融怡
被阿錫曳齊紈粉白黛綠鳴珮鏘環者充牣乎其間列
筍虛羅鐘鼓吐清歌呈妙舞以樂之桃李妍芳耀新妝
也蕙蘭芬馥汎天香也雲舒霞卷繡袿裳也燕語鶯啼
舌笙簧也振木飛塵歌聲揚也迴風流雪舞袖翔也雷

霆間作金奏鏘也日日薦玉食旦旦獻玉衣隨意所在
恩幸則移晷晷夜寒暑高下東西漠然不分茫然不知
矧羣臣之賢否庶政之是非生民之利病天下之安危盜
賊斥乎寰宇鋒鏑及乎宮闈身死人手雖悔何追嗚呼
噫嘻方其擒陳後主戮張麗華誅三佞人以謝天下一
何壯也及其師喪遠征禍肇元感荒淫不返卒以弒殞
又何憊也蕪城之側故址猶存狐兔之所窟穴鼯鼯之
所呻吟霜露梗莽風淒日曛過而覽者莫不躊躇而悲

卓與夫瓊室喪夏鹿臺亡商吳之姑蘇秦之阿房足以
致亂於當年而垂戒於萬世者蓋同出於一轍也我作
斯賦以弔千古之非而為後來者說也

太白樓賦

宋張頌

惟風姓之苗裔兮爰資始於處義分徐方以啟土兮迺
任國之攸基稽成周之邦域兮屬東魯之封內逮季任
之處守兮至戰國而猶在既郡縣之遂置兮仍舊號曰
任城顧漢氏之多賢兮繫白衣之垂名余登樓以四望

兮慨山川之不改溯沂泗之清冷兮盼鳧繹之杳靄伊

誰架茲棟宇兮謂太白之曾游時賀令之稱賢兮微斯

人其誰倚想勸醅之歡樂兮恍英靈之在目鏘玉佩之

陸離兮美荷衣之被服傷孔孟之不可作兮歎中行之

莫與睽耦耕荷蕢之為倫兮庶幾超絕而可語指謫仙

以相謂兮羌青眼之夙開取狂客以表名兮亦曠世之

雄才觀史氏之稱述兮固莫知其志也世溷濁而獨清

兮宜高標之不可幾也託舖糟而混迹兮蓋慕晉人之風

流寧泥塗之曳尾兮竊自比於莊周瞻青山之峻嶒
兮觀鏡湖之渺漭朝欲攀其美木兮夕欲擊其宿莽仰
浮游於太虛兮疑籛雲而乘風將駕景而凌煙兮追高
躅而奚從倚朱欄而悵望兮天慘慘其無色俛清流而
鼓枻兮空盤桓而反側亂曰我思昔人神飛馳兮古今
一夕胡俾我底兮往過來續逝者如斯兮

太白樓賦

明
王守仁

歲丙辰之孟冬兮泛扁舟予南征凌濟川之驚濤兮覽

層構乎任城曰太白之故居兮儼高風之猶在蔡侯導
余以從陟兮將放觀乎四海木蕭蕭而亂下兮江浩浩
而無窮鯨敖敖而湧海兮鵬翼翼而乘風月生輝於米
石兮日留景於嶽峰蔽長烟乎天姥兮渺匡廬之雲松
嘅昔人之安在兮吾將上下求索而不可蹇予雖非白
之儔兮遇季真之知我羌後人視今兮又烏知其不累
吁嗟太白公奚為其居此兮余奚為其復來倚宮霄以
流盼兮固千載之一哀昔夏桀之顛覆兮尹退乎莘之

野成湯之立賢兮迺登庸而伐夏謂鼎俎其要說兮維
黨人之擠詬曾聖哲之匡時兮夫馬前枉而直後當天
寶之末代兮淫好色而信讒惡來妹喜其猖獗兮衆皆
狐媚以貪婪判獨毅而不顧兮爰命夫僕妾之役寧直
死以顛頷兮夫馬患得而局促開元之紹基兮亦遑遑
其求理生逢時以就列兮固雲臺麟閣而容與夫何漂
泊於天之涯兮登斯樓乎延佇信流俗之嫉妒兮自前
世而固然懷夫子之故都兮沛余涕之潺湲廟堂之偃

塞兮或非情之所好惟不合於斯世兮恐沉酣而遠眺
進吾不遇於武丁兮退吾將顏氏之簞瓢奚麴蘖其昏
迷兮亦夫子之所逃管仲之輔糾兮孔聖與其改行佐
璘而失節兮始以見道之未明覩夜郎之有作兮橫逸
氣以徘徊亦初心之無他兮故雖悔而弗摧吁嗟其誰
無過兮抗直氣之為難輕萬乘於褐夫兮固孟軻之所
嘆曠絕代而相感兮望天宇之漫漫去夫子其千祀兮
世益隘以周容媒婦妾以駝駑兮又從而為之吮癰賢

者化而改度兮競規曲以為同諍曰嶧山青兮河流瀉
風颭颭兮澹平野憑高樓兮不見舟楫紛兮樓之下舟
之人兮儼服亦有庶幾夫子之蹤者

光嶽樓賦

明 闕 名

粵惟東郡魏博名區星躔角室之度地稱海岱之都有
樓臺騫上冲斗樞厥名光嶽望雄里衢巍乎天矯恍如
龍奮於雲表赫然盤翥又若鳳竚于離隅縹緲晴空憶
神輦擁海山之駕瞳矓幻景媿虞淵現靈蜃之郭瞻彼

嶽矣據齊魯而繫望頽茲樓矣帶河濟而繇紆挹秀凌
霄而對峙攢虛銜嶂以排圖中天華闕兮移來紫極廣
庭重屋兮墜落平蕪與二鼓天廳以輪運辱收逞神巧
以張鋪配休靈山羨茲偉模若夫地壯九坎臺高百仞
走烏兔之靈曜承雨露之膏潤仰睇傑觀以突兀下臨
闐闐而危峻奠厚土兮鴻龐荷畚築兮堅物聳天柱兮
鬱蔥摩華蓋兮作鎮梓人綠基以儔功飛閣美完而特
振想其拔形坤軸勢應上台筮史占日黃道宸開蜀山

植盤班斧刃恢栢採新甫松伐徂來徑圍方圓度狹量
裁矩地規天絕氛蕩埃杞梓梗楠峻類峻增乎八極拘
棟杞榦喬植邁越乎九垓斲削整貢乎盤錯斲伐雕飾
於根莠憑藉鳳棲之軌式資跂翼之材至於締構礫砢
莊嚴宏煥朱甍喬堯鶴壁璀璨新楮畫桷而翔翬走拱
飛楹而插漢梁棟偃蹇而掛虹軒欄迤遞以界旦階梯
倚空而蚪蟠頽簾捲雨而珠爛龍石象狻猊而蹲踞櫺
瓦彈龍鱗而洞貫朝風列環脊以留雲鶴駕降飛仙而

臨玩四門軒豁堪調四氣於人間八窗玲瓏可宣八風
於天半覽徹蓬壺之尾閭遠吞岱宗之日觀魏哉奇壯
驚迴烏翰載觀黜至設色青紅繪描雜沓以飾彩盡品
彙之交叢角奮鬣馳鱗潛羽翀雲誦波詭金炫漆融塗
星辰而閃爍寫山嶽以籠從設器觀象敬授農工昏曉
戒嚴於壺漏節序齊一於民風同姬周布法之象魏等
義和測景之表中崇建四極之標遠映九天之宮儼浮
圖錫卓之嵯峨疑靈鷲飛來於梵空吁嗟砒砒擬勝壘

峒猗與閩基一方瞻視充冀上游黔黎覆庇郊圻縣絡
多景集萃東望荏山則嵐嶂左橫西顧曹濮則黃流右
漚指大野溟注而南滙遡濟河濛纏而北企十八屬之
郡邑碁布星羅百萬戶之編氓野屯林藪憑欄俯眺今
煙雲竹樹之遞奇極目遼邈兮沙鳥風帆之眩異掀揭
具瞻高明勝地可以辰訏略籌邊備振雄風走胡騎追
仲宣賦逸志詠黃樓憂民事奏玉笙來仙吹題鸛雀暢
詩思宰化出震岱嶽居擅方域之尊表極名邦茲樓亦

奠重鎮之位光昭無窮厚址天畀况自郡城中樹政令
攸懸价人觀風民瘼是專登斯樓也鑒觀赫焉布千里
陽和於治境昭一輪明月於中天衣食怨咨調初寒之
與暑雨鴻雁轉徙輯室家之有顛連衣冠文物之輻湊
財貨車馬之駢闐舫艦迷津會厘市而藏商賈詩書比
屋聽里閭而謁誦絃聲教四達名播九埏裨益邦政惟
樓則然誠有光於泰岱迓保佑於上玄錫為萬民之福
消除四境之遄永鎮東郡于萬斯年屈指并幹與農譙

何冀斯樓之盛焉亂曰三垣麗空鈞天帝居樓逼星辰
九河舊墟儲旗建節襟趙帶徐據鎮無疆郡賴慶餘億
載伯仲於九峻真為嶽宗之壯圖

豫章攬秀樓賦有序

明
湯顯祖

江南洪州藩司之樓紫薇是居東維攬秀西儷辦章畧
漏存焉仰荅天桴昏旦之候無爽俯和民紀旬宣之政
有序厥由來矣屬乃赤燦示舊白靈祇告新革不日而已
孚鼎有時而傾否岳伯嘉禾陸公四明王公相與謀曰

休哉功有羊而可倍事有一而得三斯樓之設時夜是
司顧以吾屬宣懷未乏羊杜賓至燕言或假僑札爰有
沙城神仙之路遠在數里滕閣帝子之洲近隔重關非
期使人難以下夜微寧就此一臺之基增為三成之制
咫尺足以容體尋常可以發志出不嫌於久次進無妨
於設險利用大作莫便乎是者上下俞同時物會貞賦
取幣餘役以流傭令信工敏浹目而就剗斲並舉重復
輳綴楮極蛟螭軒牕玲瓏麗素而不露其材榱桷而不

傷其實都作告備司時練吉二公相與攝英寮從妙屬
帥而登焉則見山川畢升天日加朗出草樹於綦履度
魚鳥於几席南浦西山不在闌城之外矣徘徊流觀則
朱邱華閉環珥於府寺英莖貴俊冠蓋於達巷以至都
人琇厲之觀方外玄緇之處偉雅神麗指顧而詳漁唱
田歌夾重湖之表裛軍漕估舶沸瀕江之上下孰非宇
宙之精氣國家之利寶乎嗟夫事有合而成賁物有大
而可觀我勞如何煙霞取日用之適有客莅止風雨惟

時至之期至於鼓角晴飛戾天霄而益爽壺樽夕轉遲
月露以方盈節之以陰陽文之以禮樂不其懿與棲成
而中丞衛公適來撫我益新其政恢軍國之容復隍臺
之制模觀精偉神色異昔樓增麗而勝焉歲戊之申月
日之九陸公偕岳伯四明丁公永春李公觴余此樓晝
漏之聞連於晡下夜烏之咽通乎晨戒澄日氣於煙霏
寫月精於露靄固已極斐疊之妍譚盡淋漓之雅致矣
總而攬之秀其外者山川備仁知之所樂秀其中者人

物兼富教之所歎儻干霄有異之氣恒存薄收無憂之
言每驗則諸公取適於來旬吾屬從歡於上日蓋亦太
平之盛事宣長久而無極乎彼夫城隅之宴忘其喪亂
歌臺之什夸乎霸餘方今洪淑吾無取焉諸公粲然而
笑曰然則子為我賦之一言均賦敢居王子之先九日
登高辱在大夫之後云爾

若夫圖書上計之省樞璇布政之宮蕃北宸而拱峻劃
南夏以成雄正經途於一軌極高閣而有融金城遶雷

於允西玉漏欂梁於震東取陽陰而定體亦登降而在
中制豈懸於飾樸時有適於汚隆象除舊而布新事有
約而助洪政自公而燕喜禮賓遊而會通勝寄擗羅於
一舉意匠圖回於再重允規隨而命作叶和會而勸功
引章貢之瓌材集臨汝之精工乃作高門爰及遺堦土
綠剝而厚下木層升而致美下如甕以穹窿上若堂其
瑰璋墜砥懸施繩斲兼倚蠹以危提鋪以密砥重樂承
而窈窳枝嘗複以玲瓏乍并榦而宿斗倏丹雘以流虹

納靈曦於陽馬閣玄溜於陰蟲庶歡呼而勿亟公賞成
於具逢擁官聯而上陞立嶒岷而正容恍靈區兮湧地
迫慶霄兮麗空蠱有事而後大革取新而不窮地響奮
而盱豫天際翔而上豐準燥濕以維則度几筵而載容
睇刻漏於蓮花叶信晷於祥風寅亮者資具察貞觀者
賴其同謹戶牖而知時倒衣裳而在公且三爵以興言
會羣龍之高盼承交臂以宣劬暢遠心而釋倦仍攬秀
以栴危臨辨章而聳絢諒所攬之多秀豈異餘而楚羨

判休明於昔令豁懷袖於聞見方外內其具賞期霽晦
而兼善紛慘悵以孤遊被溫冲之餘眷遲九日兮晞令
期佇三山兮登薄軀沙城出谷其將晚滕閣扶櫺而未
舒竟夜飲其厭厭儼新構之渠渠清酒溢而山光凝纖
歌揚而潛思紆時則籟稍沉於風律節懸瑩於霜鐘雲
晶暉其斂色露溽腴而向濃霧果川而晦晦日罩野以
曠曠沙含虛於近陞灌岑寒於遠峯歷倒茄而去燕遵
反宇以來鴻援山中兮桂枝淝江上之芙蓉迫年衢之

冉冉曠天宇之溶溶蕩芳英於蘭苑懷幽人於菊叢陶
頽然於刺史嘉率爾於桓公折莫房而醕醴警蕭辰而
切衷坐紛想於遊極起延佇於巖櫳像長雲之蜿蜒若
飛雨之空濛躡前榮而恣觀良鬱鬱以蔥蔥鬱蔥兮直
下西山兮若畫測地象於神州轍金方其款跨上都隱
屏於太行中土開靈於少華彼拔地以常然此瀕江而
潤化繳迴隍於淑渚出清都之臺榭影四序以恒流氣
千年而不謝江則括坤為墟委乾為畔淙淙潼潼浩浩

淅淅出沒還沈縱橫泮渙繹絡乎東溟之盡灑激乎南
紀之平川魑馮夷之所盤嘯海錯天琛之所流灌晦冥
而風雲變黓澹蕩而星河炫煥洞宵眇以無倪愜虛明
之所玩流玩兮蒼郊筠之山今以超矯迴風於丹陵上
留田而逍遙暘青峰於梅葛指緱氏於巖椒白雲英其
嶮飛碧海堆而嶼搖認落花於桃崦訝沉書於石橋乃
有紫清懸瀑斗絕而起畏若秦人秀若蕭史天寶開而
霞曙雲蓋移而煙靡崑崙膏玉以明珠岡流珠而覆米灑

泉壇於冠石度松門於屏几蓋西山之高二千其咫西
山之延四百其里雖發地而厭原默匡廬之徙委浥山
帶以披衣朔屏風而疊綺輪困接香鑪之雲滂液下清
溢之水勢遠而危鬱肆崦嶮虧夕陽於半江宿初月於
層崖映松栝而氣美漬嵐霏而色滋日射則陰霞委金
雨過而生烟拂霓岸明消而翠寫風增瀾而紺瀨江女
窺而巒霧紫幽綃織而巖戶移白鳥光颺於壁嶂舟人
影映於沉暉遞菁莩其可悅動冲容而倍姿擁名城而

論都極敞顯之南戒穎陰雄成於漢首武陽式廓於江
外水竇接龜而潛洩罔勢鑿龍而抗會湟洳艤艘而布
遠樓觀儲胥而備大比志物以維屏恃休明而勿壞動
迴飈而佇想步循環於襟帶故其內眇則東西湖水滢
沆日月鶴池之煙霧猶鮮龍門之風雨自出長橋度以
殷雷鎖院開而辨蛻束二泖於淞函渙大明於濟碣水
花淨而香遠風色迴而態溢率良士以思懼必都人而
秀發時泛客於三洲唱凌波而未闋遠百花兮霞滙約

九津兮雲泄綠淥漉以周洄記斗門之約節蓋宜遶樓
以西逝迺負關而東決散盱章而脈清會宮亭而勢折
卷八郡之風濤立二孤於喉咽信東南之都會備西北
之門闕豈太真之議褊將昇元之氣歇大中潛而龍起
建炎噓而鳳暫自中迤西宮方所治魏我約繹文樞武
毗建中臺之龍節設行馬以驄麾既鼎立而置參亦岳
峙而分司受官成之統總裁氣脈之機宜大府承而望
縣翼壇祠蒼而庠序徵物色音華之所莅止明謨風愛

之所棲遲訓恪則宵嚴於柝署務閒而晝偃於鈴扉通
溝轉滅經衢緯陌參差流離朱邱有赫啟北維寧載南
而國委滕嬰於歌吹帶劉宗之磐石怵章山兮永銅疑
扶疎兮屬籍席芬英乎獻靖跨文明於淮益屬宗師而
綺正收茂才而路關被儒素以矜華朗慧滋而秀奕時
節物以斯游倏國風而咏適罷聞樂之層歛食衣稅之
舊德扶輿中央精華喬皇山液而流川暉而翔貴相上
將公卿丞郎或橋梓而槐棘或墳麓而圭璋駢緋夾榮

嗣鼎承筐偶必大而無降交累懿而益詳典則獨藏於
望國風徽時映於公行必百世而猶祀在式微而亦張
故老敷詩成童誦章道述門素經營國常七族奄而魯
阜八姓彩而吳襄冠事業於本朝襲俎豆於其鄉日旦
重於汝穎科目兼乎顏商里聚星與通德藹喬木而相
望餘則所至而煙火萬家所向而雲樹千牕或望止以
如歸代謚作而無咤至乃郭廬表裏百物充牣轉估客
之風期決章門於廣潤集精奇乎萬里舶魚鱗於重鎮

槩展成而授序紛駢擊而沸震貨如臺兮累楨寶若星
兮流暈煙琲珎以彌出孰視銛而見吞步旗亭以稽詣
夥闌干而售俊敝物力之膏華識山淵之美蘊固頑豔
之共徃取資生而適韻然猶貴不踣於周度賤難得於
老訓稟方岳之理靜忘關賦之徵峻市無擾以無虞賈
亦廉而亦信民日中而自退士三倍而無近却服御於
天邪劬康功於田畷惟江之孺厥田十千雖水耕而火
耨職善坊而固泉懸種稔於歲杪視黍稷於昏前恬寬

鄉而償瘠趾樂郊而趣先適斯樓之倚徙厥高眺於天
田原隰素而夷衍滕皋繡而邈鯨澹如雲之漠漠計井
牧以無愆望杏花兮輕弱訊冷風兮陌阡意民天而遠
想豈烟景之留連若乃湖圩宕迭五百餘里黃荆白沙
松蒲柏子柘葉長玲桃花淺水皦蓮芡於蒲稗啞鷺鳧
於鱣鯉列漁步之攸界繫澤梁之所坻風鮮景明煙消
水平鶩鳴榔其如織鼓釣絲而互經拂鷗翎於旅鴈雜
漁唱於高鶯晝炊煙乎樵舍夕弭柁於吳城喜多魚而

獻公佐涼耐於軒楹逗滄洲兮歲晚莞江潭而獨醒對

神物於嘉魚咏聖風於有祀則有逢掖深衣園橋方履

顯顯祈祈雍雍濟濟或翔於庠或吟於里容服既則周

行有禮尊悅皇風瞻趨素齒披文采友來會於此摘秀

升之章句析孝文之經史鏤道祖於圖緯紬次宗於玄

旨若顯若覲或哦或倚企飛椽而逸想循伏檻以流思

汰塵滓而空清引芳妍而蘊滋類矯指而角鮮實交頭

其取師江山有興文之助風雲為接武之資龍門自大

揭彼雲唾鹿鳴於革宴我微司駭樓中之撰結成世表
之威儀江湖瀕而猥天豫章拱而見奇皆我公之攬擷
獻王書而載馳厥有學道之侶高隱之倫慕澹臺之友
教業三百以為羣處孺子之式閭倚一木而自珍來遊
來歌載言載欣仰吳會兮傾言子俯滄浪兮弔蕪居豈
風流之遂遠緬容與於青雲世何流而不波路有方而
必塵章之門兮塵芾章之流兮波逝毓元命於江湖擘
開神而演祕蛟宮啟靈魏乎真君沙城表識多乎聖人

搏雲何於西峯結飛客於南津撫城闕以逾故展空明
而互新吹笙之臺晦藹文簫之宅氤氲側控鶴之玄景
挹寫韻之精神漱仙尉兮難即挾丹華而散霞際伶崖
兮有覲響天樂以鳴真庶仙人於樓居故延庚而挹辛
西山之陽不死之鄉西山之陰無生之林渡江之旨奇
特遠谿之笑清越西江之水無盡南岳之風有鬱下雲
居而振幡過上藍而拄拂聖諦冥兮體常露凡情盡兮
境起忽坐盤中兮何事講虛空兮何物相與詫黃龍於

山中笑丹霞於木末喚裴休乎斷際點韋丹於靈徹樓
觀等而平視諠寂泯而何設領玄釋於簪組玩今風而
古轍誕江陽之倣詭常寄言而設端曩神明之鱗萃今
巖岫之空寒諒獨往之能事洵絕地之匪難乍遊陟以
成趣友人寰而詎安閔吾流兮閱世蹇川途而獨詣南
上瀨以忘疲朔通津而必豎樓艦分風而轉颿鏡鼓接
韻而浮吹路八達以如絲生交衢而委轡疇四方之都
雅極官遊之體勢公應接以餘閒客周諮而有寄或雅

歌兮投壺試清唱兮舉袂足登高而送遠具成歡而既
醉乃至放臣淚國遷客思鄉赴建康而不果適交管而
未行亦有賢士矢志遊子迷方覩遷謝而多悲感留滯
而自傷一登樓而慷慨冀宣寫於毫芒客也無勤聽我
勞音會計之司成賦是欽日至而鍾石斯起歲獻而漕
艎載歆絕控引以無期灌天淵而在今則有兌士煩於
星渚撞檣廣於山林流粟羨於沙磧籌策高於崖釜膽
杞取於魚鳥邪許殷乎笳音旗幟撓於荆吳謹囂徹乎

晏陰見軍國之有衍慨塗泥之所任戒驕諱於水次安
積膾於潢潏時我公之約飭往聽矚以迴臨喟民膏於
庶士悚國賦之惟金延少內以捐煩屬都官而獻斟酌
古有稻粱之色刑民無醉飽之心鼓摻發而念遠棹歌
齊而思深思深兮太息倒景兮西夕秋志激而彌亮風
候結而無射祝流華於末光動寒姿於暝色紛下馳兮
煙闕浮傾霞晦兮禽啁啾感投衣兮謝歡燠炳華燭兮
重登遊進飽瓜而更酌承湖海之下流悵涼天兮北河

遺佳人兮南州月微波而灩席風析木以宜秋發浮樽
於漸臺進河鼓於宵筭絕天潢之閣道奉紫微而披廓
宛衛殷其在南正朽觴於龍角轄左右之煌煌輔帝車
而軌若偈少府於闕梁躡天階而用作步飛光兮意折
想壯武於豐城何千年之寶氣得斯人而夜明河魁戴
西形如戴筐津梁在中號曰文昌王臨川而集計愧余
生之草鄉草未落而自出風雲興而詎央廓凜秋其在
此若端居而遠行喜布政之優游浚樂職以翔祥究由

來之陂復豈逢今而太康蓋我江南以西也挾淺原於
漢汭抗虔樞乎甌粵錯餘方而有隧翦叢微而或巢巖
隰體寬而重縕江湖氣急而輕發首栢舉之興替逮斬
黃而合裂王政庠而澤弛物力恢而氣竭阻喪亂以何
言諉尋常其固然算鴻醲之美業各未逾乎百年山川
黯色窮於有元誕我高皇戴斗履衡虎變龍興日在金
水風清漢荆歲在星紀天飛吳京初震出於南昌訖乾
戰於康郎賜觀燈於南浦詔騰鹿於西岡宴羣臣而天

歌夜清禮玄聖而春旌曉翔父老欣欣士女洋洋何江

漢之首被而韶英之遽錙至於今二百餘年洪都拱真

人之蹕廬山為天子之障法物具而加精官列盛而彌

莊偉我諸公有濟其郁衛公撫茲益斐其棗漢流聲於

次公唐宣風乎九齡陶姑孰之大志顧太康之廉貞耿

河南之粲亮王新建之虛靈九皋來而惡重三原至而

賦輕蘇決爽鳩於林鷄文學倚蘭於蔡清並師濟而休

嘉各勤施而茂祉郡榻奮平輿之節邑絃奉道州之理

迴秀色於干旄，曳惠氛於蘭醴。雲無覆而不卿，露有灑而必旨。南斗之榮不入西郊之霖，自瀟出明月於海昏。萋枯禱於郎郎，武寧希夏雪之零，新吳斷玄穀之秕。麥窺閭而岐秀，稻旅生而再疑。洲野拈而不收，戶肥瘠而有醜。女遵行以綢直，叟遊詠而都偉。擊秀盛以恭承，起歡娛而伏膺。會大往其何極，羣方來而載寧。善諸公兮有作，慶微生兮樂成。陰層覆之眈眈，對清佩之盈盈。景斜延於夕佳，趣遙攝於秋屏。目煩燎而下盡，興澄歎而

上征商飈卷而戶洞暗河低而坐傾悟挈壺之戒曉憬
通鑿而遲明樂燕胥其匪報激高歌乎列星歌曰山巖
從兮江逶迤結飛樓兮含翠微雨陽貞兮流音徽鼓淵
淵兮漏遲遲宣明政兮發嘉德宜登臨兮受光色來清
觴兮眷兮昔江南西兮永無極

滕王閣賦

明胡儼

繫仙李之盤根布柯條於區宇既命爵以錫圭遂分茅
而昨土惟滕啟封實介鄒魯爰來豫章督郡開府山川

秀靈人物蕃庶星麗斗牛地兼吳楚據百粵之上游壯
雄藩之重輔朱門畫戟號令肅乎風霜繡閣雕甍詩書
被其間里誠東南水陸之都會古今人才之淵藪宜乎
王公之所臨處也想夫端居多暇深宮晝長圖書既厭
琴瑟倦張中心不怡積思浩穰乃命輕駕肅冠裳擁高
牙駉乘黃俯郊郭耀旂常六轡總總八鸞鏘鏘騰吹長
阪弭節高岡江山相望鬱乎蒼蒼旣游日以騁懷遂欣
欣而樂康於是戒梓人程匠石相陰陽表區域奠方位

於高明燔畱翳於蓬萊輦杞梓之良材斲巖巖之秋骨
締構費於經營精神妙於規畫歸然傑閣功成不日觀
其臺榭凌虛簷牙翬飛碧窗瀟灑彩檻逶迤際平沙兮
浩浩撫長江兮漪漪謝氛埃於物表接莽蒼於天涯遠
煙接兮凝黛空翠生兮襲衣碧瓦葦稜青山隱隱丹檻
藻枕綠樹依依錦纜牙檣兮璀璨鶴汀鳧渚兮參差至
若春日載陽花明柳碧素練澄江長天一色薰風島嶼
渺孤鷺於落霞野水蒹葭亂白鷗於飛雪啼鳩送半山

之夕陽征鴻橫千里之明月地位絕湫隘之矣歌房櫺
隔高寒之凜冽四時朝暮光景明滅於以晏樂於以遊
息或憑高以暢神情或望祲而書雲物帶彭蠡之渺茫
挹華峰之秀特列卓閣之雲屏倚洪崖之丹壁招五老
於匡廬納九江於几席呼君山之紫髯吹洞庭之玉笛
吞雲夢兮八九曾不芥蒂於曾臆賓從光兮羅綺陳簫
鼓咽兮歌舞新過行雲兮動梁塵玉顏酡兮玉杯側美
人醉兮嬌豔春一旦事闌人去物換星移樹閣公之際

戟聳王勃之文詞朱簾垂兮雨冷畫棟黯兮雲飛對樽
前之潭影日檻外之波馳濡毫投簡蓋已太息於當時
余嘗泛舟章江擊榜南浦訪故老以遺踪指蒼苔之斷
礎古木號兮西風芙蓉悴兮夕露壞堞鴉飛澹煙蛩語
宿草迷堤殘碑仆土佩玉兮鳴鑿音塵兮何許惟江上
之西山見君王之歌舞粲采采之黃花空蛺蝶兮栩栩
繼三王之文雅擅後來之韓愈抑巴山之故亭與丹梯
而並峙竹色兮松聲淒涼兮杜甫余乃浩然興懷惻然

悽楚樂極悲來豈惟斯故追往事於亡陳亘臨春與結
綺藹香風於沉檀極人間之麗美何啻百倍於斯閣終
亦凋零而銷毀矧楊氏之四香又驕奢而侈靡彼冰山
兮莫悟竟何足以比數並漂搖於瓦礫而同鞠為榛莽
矣獨河間之禮樂暨東平之徽媿著藩屏之良規流芳
馨於青史顧賢否之異途徒感慨於千古

蓬萊閣賦

明潘滋

厥惟登州在昔牟子星分虛危地接瀚海出日之方產

樂之穴泉有溫湯城曰不夜於是寧州開煙霞之洞文
邑築望仙之臺庶幾遇于喬於緱民接玉女於天台者
也於是楚之客而至齊者言於齊伯小人以吏事聘於
諸侯無所辱命則必觀蓬萊而歸矣齊伯曰諾穀旦惟
差僚佐胥會霜戟明鸞車噦建霓旌飄羽蓋步自刀魚
之寨經於沙門之宮重嶺巍崑以伉仉連岡開闔以寵
從磔逶迤以層升周寥寂而徑至覽檀巒之祕偈觀蒼
嶽之繪事辟蟲鈎頤以倩俐灑馳睽睽以騰漩象罔閃

偁以竊窳鵝菌踏而駢顛於是鳴籟吹華鐘撞肅龍
妃祠海王爾乃置酒於是曠之室息燕於迢遞之軒
醜瓊漿之灌漑疏石華之蜷螭為坻為澗或履或舩
三醕既沃既沾於是停杯候潮釀酒臨浪極目空濶舒
襟沆瀣氣泊漂以不風天清冷而無雲夫何馮夷揮霍
陽侯噴捍淫淫洩洩懸瀨襄漢澎澎漚漚流沫迸岸泊
磴曠以傾騰罔岨岫而相脛紛盤渦以激雪勺赴勢以
奔雷潤瀟漂以迴颺渭淟涸而飛滂恍蛇驚而鳥攫歟

龍蹕而虎跑斯可以為傑矣則又有傑者於是西望諸

山大竹小竹瀟霧湫煙峭壁無路絕壑連天大洋半洋

案衍亶亶千菓百罪窮之無端其上則翡翠孔雀鸞鳴鶴

睢鳩其下則白虎赤狐駁馬驪牛其華則鴈紅枸杞意

以靡蕪其樹則楮梨椽栗朱桐白榆其土則丹青雌黃

錫碧金銀其石則赤玉玄厲玫瑰琳瑯斯可以為宏矣

則又有宏者於是重城言言以中峙大海湯湯以四環

似芙蓉之出水類明珠之走盤既星羅於八州亦棊置

於六衛貌貅備倭之如林冠帶鳴學而如綴朱門燈於
長衢黃芴繇於廣陌驅鱷織罽之鄉負鹽黑齒之國斯
可以為奇矣則又有奇者爾乃凌丹崖而直上抗蓬萊
之所基虹修梁以天矯猊穿柱之躩踞魚鱗切迭於重
桷蝦鬚戍削於綺疏莽霧晦翳於藻井朝陽炫射於金
鋪於是抃神輦以揚鬢運大鵬而奮翮青天蕩蕩引舌
可舐匏瓜歷歷舉手可摘啟呆愚而流眇叫閭闔以披
胃窺泰山之日觀招九疑之祝融何大畜之天衢信憑

虛而御風撫八埏於我聞眇四瀆於盃盎雖身處江海
之遠而心存魏闕之上於是劃然長嘯草木振恐單衣
無溫毛骨盡竦爾乃揖客而下洗盃更酌雜坐宮檻跨
屨盤薄握取石子射覆縱詭旣而碧雲垂於負嶠明月
出於西山發商歌而互答放白鶴以高騫於是潘子顧
謂客曰今日之遊樂乎客曰樂則樂矣然而有所聞者
未之見也有所慕者未之遇也潘子曰何謂有所聞者
未之見也有所慕者未之遇也客曰昔蓬萊之仙有安

期生之出阜鄉麻姑之降蔡經此而無之是虛名也有
而不見是虛行也二者無一焉而可潘子曰異乎吾所
聞徐生侯生入海求仙者是方士之瞽也文成死藥大
誅明天下之無仙人者是武帝之覺也今吾與子之登
斯閣也有所見有所遇矣太公之興於營丘尚其功也
魯仲連之辭封爵高其志也韓信之軍於淮水屈其謀
也田橫之入海島服其義也孟子述先王之遊觀止邪
心也仲尼之欲乘桴浮海示有為也今聖人在上百臣

成能天無烈風海波不興歲豐人足訟簡刑清於是致
白雉於越裳來肅慎之楛矢內外向風遐邇一體然後
作為雅頌陳之清廟告厥成功書之竹帛以垂無窮此
蓬萊之實也若夫流連之樂神仙之事何足多乎客憮
然避席曰吾乃今得聞先王之風願敬受教無他請矣

定歷代賦彙卷一百九